

**REGLUGERÐ FRAMKVÆMDASTJÓRNARINNAR OG RÁÐSINS (EB) nr. 106/2008 2010/EES/56/27**

frá 15. janúar 2008

um áætlun Bandalagsins varðandi orkunýtnimerkingar á skrifstofubúnaði (\*)

(endurútgáfa)

EVRÓPUÞINGIÐ OG RÁÐ EVRÓPUSAMBANDSINS HAFA,

4) Mikilvægt er að stuðla að ráðstöfunum sem miða að eðlilegri starfsemi innri markaðarins.

með hliðsjón af stofnsáttmála Evrópubandalagsins, einkum 1. mgr. 175. gr.,

5) Æskilegt er að samhæfa innlend framtaksverkefni um orkunýtnimerkingar til að halda í lágmarki skaðlegum áhrifum af ráðstöfunum sem eru gerðar á iðnað og viðskipti.

með hliðsjón af tillögu framkvæmdastjórnarinnar,

með hliðsjón af álitum efnahags- og félagsmálanefndar Evrópubandalaganna <sup>(1)</sup>,

6) Þar eð aðildarríkin geta ekki fyllilega náð þeim markmiðum sem fyrirhugaðar aðgerðir fela í sér, þ.e. að setja reglur um orkunýtnimerkingar á skrifstofubúnaði, og þeim verður betur náð á vettvangi Bandalagsins, er Bandalaginu heimilt að samþykkja ráðstafanir í samræmi við dreifræðisregluna eins og kveðið er á um í 5. gr. sáttmálans. Í samræmi við meðalhófsregluna, eins og hún er sett fram í þeirri grein, ganga ákvæði þessarar reglugerðar ekki lengra en nauðsynlegt er til að þessu markmiði verði náð.

að höfðu samráði við svæðanefndina,

í samræmi við málsmeðferðina sem mælt er fyrir um í 251. gr. sáttmálans <sup>(2)</sup>,

og að teknu tilliti til eftirfarandi:

1) Nokkrar umtalsverðar breytingar verða gerðar á reglugerð Evrópuþingsins og ráðsins (EB) nr. 2422/2001 frá 6. nóvember 2001 um áætlun Bandalagsins varðandi orkunýtnimerkingar á skrifstofubúnaði <sup>(3)</sup>. Til glöggvunar skal endurútgæfa þá reglugerð.

7) Í bókuninni við rammisamning Sameinuðu þjóðanna um loftslagsbreytingar sem samþykkt var í Kýótó 11. desember 1997 er gerð krafa um að dregið verði úr losun gróðurhúsalofttegunda í Bandalaginu um 8% í síðasta lagi á tímabilinu frá 2008-2012. Til þess að þetta markmiði náist er þörf á öflugri ráðstöfunum til að ná tókum á losun koltvísýrings í Bandalaginu.

2) Verulegan hluta heildarraforkunotkunar má rekja til skrifstofubúnaðar. Hinar ýmsu tegundir sem eru fánlegar á markaði Bandalagsins nota mismikla orku við samskonar notkun og umtalsverðir möguleikar eru fyrir hendi til að hámarka orkunýtni þeirra.

8) Enn fremur var í ákvörðun Evrópuþingsins og ráðsins nr. 2179/98/EB frá 24. september 1998 um endurskoðun á stefnu- og framkvæmdaáætlun Bandalagsins í tengslum við umhverfi og sjálfbæra þróun „Fram til sjálfbæris“ <sup>(4)</sup> tilgreint að helsta forgangsverkefni til að samþætta umhverfiskröfur með tilliti til orku væri orkunýtnimerking tækja.

3) Bætt orkunýtni skrifstofubúnaðar ætti að stuðla að samkeppnishæfni Bandalagsins, öryggi við afhendingu orku og vernd umhverfis og neytenda.

(\*) Þessi EB-gerð birtist í Stjtið. ESB L 39, 13.2.2008, bls. 1. Hennar var getið í ákvörðun sameiginlegu EES-nefndarinnar nr. 69/2010 frá 11. júní 2010 um breytingu á IV. viðauka (Orka) við EES-samninginn, sjá *EES-viðbætur við Stjórnartíðindi Evrópusambandsins* nr. 49, 16.9.2010, bls. 21.

<sup>(1)</sup> Stjtið. ESB C 161, 13. 7. 2007, bls. 97.

<sup>(2)</sup> Álit Evrópuþingsins frá 10. júlí 2007 (hefur enn ekki verið birt í Stjórnartíðindum ESB) og ákvörðun ráðsins frá 17. desember 2007.

<sup>(3)</sup> Stjtið. EB L 332, 15. 12. 2001, bls. 1.

<sup>(4)</sup> Stjtið. EB L 275, 10. 10. 1998, bls. 1.

- 9) Í ályktun ráðsins frá 7. desember 1998 um orkunýtni í Evrópubandalaginu<sup>(1)</sup> var krafist aukinnar notkunar merkinga á tæki og búnað.
- 10) Æskilegt er að samhæfa kröfur, merkingar og prófunaraðferðir að því er varðar orkunýtni, eftir því sem við á.
- 11) Orkunýttinn skrifstofubúnaður er yfirleitt ekki dýrari eða lítið dýrari og kann því rafmagnssparnaður í mörgum tilvikum að borga upp viðbótarkostnað á tiltölulega skömmum tíma. Því er hægt að ná markmiðum um orkusparnað og draga úr koltvísýringi á kostnaðarhagkvæman hátt á þessu sviði án óhagræðis fyrir neytendur og iðnað.
- 12) Verslað er með skrifstofubúnað um allan heim. Samningurinn frá 20. desember 2006 milli ríkisstjórnar Bandaríkja Norður-Ameríku og Evrópubandalagsins um samhæfingu áætlana um orkunýtnimerkingar á skrifstofubúnaði<sup>(2)</sup> (hér á eftir nefndur samningurinn) mun greiða fyrir alþjóðaviðskiptum og umhverfisvernd að því er þennan búnað varðar. Samningurinn skal koma til framkvæmda í Bandalaginu.
- 13) Orkustjórnumerkið sem stendur fyrir orkunýtni er notað um allan heim. Til að hafa áhrif á kröfurnar sem fylgja orkustjórnuáætluninni skal Bandalagið taka þátt í áætluninni og því að semja nauðsynlegar tækniforskriftir. Þegar tækniforskrift er ákvörðuð í samvinnu við Umhverfisstofnun Bandaríkjanna (USEPA) skal framkvæmdastjórnin hafa að leiðarljósi strangar kröfur um orkunýtni með tilliti til stefnu Bandalagsins um orkunýtni og orkunýtni markmiða þess.
- 14) Skilvirkt fyrirkomulag með tilliti til fullnustu er nauðsynlegt til að tryggja að áætlun um orkunýtnimerkingar á skrifstofubúnaði komi til framkvæmda með réttum hætti, skapa jöfn samkeppnisskilyrði fyrir framleiðendur og vernda rétt neytenda.
- 15) Reglugerð þessi gildir aðeins um skrifstofubúnað.
- 16) Tilskipun ráðsins 92/75/EBE frá 22. september 1992 um merkingar og staðlaðar vörulýsingar á heimilistækjum er greina frá notkun þeirra á orku og öðrum aðföngum<sup>(3)</sup>, er ekki sá gerningur sem á best við um skrifstofubúnað. Kostnaðarhagkvæmasta ráðstöfunin til að bæta orkunýtni skrifstofubúnaðar er valfrjálst áætlun um merkingar.
- 17) Fela skal viðeigandi aðila, orkustjórnumefnd Evrópubandalagsins, það verkefni að setja og endurskoða sameiginlegar tækniforskriftir í því skyni að ná skilvirkri og hlutlausri framkvæmd áætlunarinnar um orkunýtnimerkingar. Skal sú nefnd skipuð innlendum fulltrúum og fulltrúum hagsmunaaðila.
- 18) Nauðsynlegt er að tryggja innra samræmi í áætluninni um orkunýtnimerkingar á skrifstofubúnaði og að hún sé í samræmi við forgangsatriði umhverfisstefnu Bandalagsins og við önnur merkingar- eða gæðavottunarkerfi Bandalagsins eins og t.d. þau sem komið var á fót með tilskipun 92/75/EBE og með reglugerð ráðsins (EBE) nr. 880/92 frá 23. mars 1992 um kerfi um veitingu vistmerkis EB<sup>(4)</sup>.
- 19) Áætlun um orkunýtnimerkingar skal einnig styðja við ráðstafanir gerðar í sambandi við tilskipun Evrópuþingsins og ráðsins 2005/32/EB frá 6. júlí 2005 um ramma til að setja fram kröfur varðandi vishönnun að því er varðar vörur sem nota orku<sup>(5)</sup>. Því er nauðsynlegt að tryggja innra samræmi í orkustjórnuáætluninni og vishönnunaráætluninni og annað samræmi þeirra.
- 20) Æskilegt er að samræma orkustjórnuáætlun Bandalagsins sem byggð er á samningnum og önnur valfrjáls orkunýtnimerkingarkerfi fyrir skrifstofubúnað í Bandalaginu í því skyni að koma í veg fyrir rugling gagnvart neytendum og hugsanlega markaðsröskun.
- 21) Nauðsynlegt er að ábyrgjast gagnsæi við framkvæmd orkustjórnuáætlunarinnar og tryggja að hún sé í samræmi við viðeigandi alþjóðlega staðla í því skyni að auðvelda framleiðendum og útflytjendum í löndum utan Bandalagsins aðgang að og þátttöku í kerfinu.
- 22) Reglugerð þessi tekur tillit til fenginnar reynslu af fyrsta framkvæmdatímabili orkustjórnuáætlunarinnar í Bandalaginu.

## SAMÞYKKT REGLUGERÐ ÞESSA:

*I. gr.*

### Markmið

Í þessari reglugerð eru settar reglur um áætlun Bandalagsins varðandi orkunýtnimerkingar á skrifstofubúnaði (hér á eftir nefnd orkustjórnuáætlunin) eins og skilgreint er í samningnum.

<sup>(1)</sup> Stjtið. EB C 394, 17. 12. 1998, bls. 1.

<sup>(2)</sup> Stjtið. ESB L 381, 28. 12. 2006, bls. 26.

<sup>(3)</sup> Stjtið. EB L 297, 13. 10. 1992, bls. 16. Tilskipuninni var breytt með reglugerð Evrópuþingsins og ráðsins nr. 1882/2003/EB (Stjtið. ESB L 284, 31. 10. 2003, bls. 1).

<sup>(4)</sup> Stjtið. EB L 99, 11. 4. 1992, bls. 1. Reglugerð Evrópuþingsins og ráðsins (EB) nr. 1980/2000 (Stjtið. EB L 237, 21. 9. 2000, bls. 1).

<sup>(5)</sup> Stjtið. ESB L 191, 22. 7. 2005, bls. 29.

2. gr.

**Gildissvið**

Reglugerð þessi gildir um þá vöruflokka skrifstofubúnaðar sem skilgreindir eru í viðauka C við samninginn með fyrirvara um hvers kyns breytingu á honum í samræmi við XII. grein samningsins.

3. gr.

**Skilgreiningar**

Í þessari reglugerð er merking eftirfarandi hugtaka sem hér segir:

- a) „sameiginlegt kennimerki“: merkið sem er tilgreint í viðauka A við samninginn,
- b) „þátttakendur í áætluninni“: framleiðendur, samsetningaraðilar, útflytjendur, innflytjendur, smásalar og aðrir einstaklingar eða aðilar sem skuldbinda sig til að kynna merktan orkunýttinn skrifstofubúnað sem uppfyllir sameiginlegar forskriftir orkustjórnuáætlunarinnar, skilgreindar í c-lið, og hafa kosið að taka þátt í orkustjórnuáætluninni með því að skrá sig hjá framkvæmdastjórninni,
- c) „sameiginlegar forskriftir“: kröfur um orkunýtni og afköst, þ.m.t. prófunaraðferðir sem notaðar eru til að ákvarða hvort orkunýttinn skrifstofubúnaður sé hæfur til að hljóta sameiginlega kennimerkið.

4. gr.

**Almennar meginreglur**

1. Orkustjórnuáætlunin skal samræmd, eftir því sem við á, öðru fyrirkomulagi í Bandalaginu við merkingar eða gæðavottun sem og kerfum, einkum kerfi Bandalagsins við veitingu umhverfismarkis, sem komið var á fót með reglugerð (EBE) nr. 880/92 og merkingum og stöðluðum vörulýsingum á heimilistækjum er greina frá notkun þeirra á orku og öðrum aðföngum sem komið var á með tilskipun 92/75/EBE og ráðstöfunum til framkvæmdar tilskipunar 2005/32/EB.

2. Þátttakendum í áætluninni er heimilt að nota sameiginlega kennimerkið á skrifstofubúnað sinn og kynningarefni í tengslum við hann.

3. Þátttaka í orkustjórnuáætluninni skal vera valfrjáls.

4. Skrifstofubúnaður sem Umhverfisstofnun Bandaríkjanna (USEPA) hefur veitt leyfi fyrir að verði merktur sameiginlega kennimerkinu telst uppfylla ákvæði þessarar reglugerðar nema visbendingar um hið gagnstæða liggja fyrir.

5. Framkvæmdastjórninni eða aðildarríkjunum er heimilt, með fyrirvara um reglur Bandalagsins um samræmismat og samræmismarkeringar og/eða alþjóðasamninga sem Bandalagið hefur gert við þriðju lönd að því er varðar aðgang að markaði Bandalagsins, að prófa vörur sem falla undir þessa reglugerð og eru settar á markað í Bandalaginu til að sannprófa að þær uppfylli kröfur þessarar reglugerðar.

5. gr.

**Skráning þátttakenda í áætluninni**

1. Umsóknir um að gerast þátttakandi í áætluninni skulu sendar framkvæmdastjórninni.

2. Framkvæmdastjórnin skal taka ákvörðun um að heimila umsækjanda þátttöku í áætluninni eftir að hún hefur sannprófað að umsækjandinn hafi samþykkt að fara eftir leiðbeiningum fyrir notendur sameiginlega kennimerkisins sem er að finna í viðauka B við samninginn. Framkvæmdastjórnin skal birta uppfærða skrá yfir þátttakendur á vef orkustjórnuáætlunarinnar og senda aðildarríkjunum hana með reglulegu millibili.

6. gr.

**Kynning viðmiðana fyrir orkunýtni**

Á meðan samningurinn er í gildi skulu framkvæmdastjórnin og aðrar stofnanir Bandalagsins, ásamt yfirvöldum á vegum ríkisins í skilningi tilskipunar Evrópuþingsins og ráðsins 2004/18/EB frá 31. mars 2004 um samræmingu reglna um útboð og gerð opinberra verksamninga, vörusamninga og þjónustusamninga<sup>(1)</sup>, með fyrirvara um lög Bandalagsins og innlend lög og efnahagslegar viðmiðanir, tilgreina kröfur varðandi orkunýtni sem eru ekki síður krefjandi en sameiginlegu forskriftirnar fyrir opinbera verksamninga þar sem áætlað verðmæti er jafnt eða meira en þær viðmiðunarfrárhæðir sem eru tilgreindar í 7. gr. þeirrar tilskipunar.

7. gr.

**Önnur valfrjáls orkunýtnimerkingarkerfi**

1. Núverandi og ný valfrjáls orkunýtnimerkingarkerfi fyrir skrifstofubúnað í aðildarríkjunum geta verið til staðar samhliða orkustjórnuáætluninni.

2. Framkvæmdastjórnin og aðildarríkin skulu taka ákvörðun í því skyni að tryggja nauðsynlega samræmingu milli orkustjórnuáætlunarinnar og innlendra merkingarkerfa og annara merkingarkerfa í Bandalaginu eða í aðildarríkjunum.

8. gr.

**Orkustjórnumefnd Evrópubandalagsins**

1. Framkvæmdastjórnin skal koma á fót orkustjórnumefnd Evrópubandalagsins og skal hún skipuð innlendum fulltrúum eins og um getur í 9. gr. sem og fulltrúum hagsmunaaðila. Orkustjórnumefnd Evrópubandalagsins skal endurskoða framkvæmd orkustjórnuáætlunarinnar innan Bandalagsins og vera framkvæmdastjórninni til ráðgjafar og aðstoðar, eftir því sem við á, til að gera henni kleift að rækja hlutverk sitt sem stjórnumunareining, eins og um getur í IV. gr. samningsins.

(1) Stjótið. ESB L 134, 30. 4. 2004, bls. 114. Tilskipuninni var síðast breytt með reglugerð framkvæmdastjórnarinnar (EB) nr. 1422/2007 (Stjótið. ESB L 317, 5. 12. 2007, bls. 34).

2. Framkvæmdastjórnin skal tryggja, eftir því sem við verður komið, að orkustjórnunefnd Evrópubandalagsins fylgist með því í störfum sínum, að þá er alla vöruflokka skrifstofubúnaðar varðar, að jafnvægi sé í þátttöku allra hagsmunaaðila að því er varðar viðkomandi vöruflokk, svo sem framleiðenda, smásala, innflytjenda, umhverfisverndarsamtaka og neytendasamtaka.

3. Framkvæmdastjórnin skal með aðstoð orkustjórnunefndarinnar fylgjast með útbreiðslu á markaði á vörum sem bera sameiginlega kennimerkið og þróun í orkunýtni skrifstofubúnaðar með tímabæra endurskoðun sameiginlegu forskriftanna fyrir augum.

4. Framkvæmdastjórnin skal setja orkustjórnunefnd Evrópubandalagsins starfsreglur að teknu tilliti til sjónarmiða innlendra fulltrúa í orkustjórnunefnd Evrópubandalagsins.

9. gr.

#### Innlendir fulltrúar

Hvert aðildarríki skal tilnefna, eftir því sem við á, innlendan sérfræðing varðandi stefnu í orkumálum, yfirvöld eða einstaklinga (hér á eftir nefndir innlendir fulltrúar) sem eru ábyrgir fyrir því að inna af hendi þau verkefni sem kveðið er á um í þessari reglugerð. Ef fleiri en einn innlendir fulltrúi er tilnefndur skal aðildarríkið ákvarða völd hvers fulltrúa fyrir sig og samræmingu á kröfunum sem eiga við um hvern.

10. gr.

#### Vinnuáætlun

Framkvæmdastjórnin skal gera vinnuáætlun í samræmi við markmiðið sem sett er fram í 1. gr. Vinnuáætlunin skal fela í sér skipulag um þróun á orkustjórnuáætluninni og samkvæmt því ætti fyrir næstu þrjú ár að:

- setja markmið varðandi umbætur í orkunýtni, með hliðsjón af nauðsyn þess að halda uppi ströngum kröfum varðandi neytenda- og umhverfisvernd og þá útbreiðslu á markaðnum sem ætti að leitast við að ná innan Bandalagsins með orkustjórnuáætluninni,
- útbúa skrá, sem ekki er tæmandi, yfir skrifstofubúnað sem ætti að hafa forgang að því er varðar skráningu í orkustjórnuáætlunina,
- setja á fót fræðslu- og kynningarverkefni,
- gera tillögur um samræmingu og samvinnu milli orkustjórnuáætlunarinnar og annarra valfrjálsra orkunýtnimerkingarkerfa í aðildarríkjunum.

Framkvæmdastjórnin skal endurskoða vinnuáætlunina a.m.k. árlega og gera hana aðgengilega öllum.

11. gr.

#### Málsmeðferð vegna undirbúnings á endurskoðun á tæknilegum viðmiðunum

1. Með það í huga að undirbúa endurskoðun á sameiginlegu forskriftunum og vöruflokkum skrifstofubúnaðar, sem fjallað er um í viðauka C við samninginn, og áður en drög að tillögum eru lögð fram eða svar sent til Umhverfisstofnunar Bandaríkjanna í samræmi við málsmeðferðina sem mælt er fyrir um í samningnum og í tilskipun ráðsins 2006/1005/EB frá 18. desember 2006 um gerð samnings milli ríkisstjórnar Bandaríkjanna Norður-Ameríku og Evrópubandalagsins um samhfæfingu áætlana um orkunýtnimerkingar á skrifstofubúnaði<sup>(1)</sup>, er nauðsynlegt að gera ráðstafanir sem settar eru fram í 2. gr. til 5. gr.

2. Framkvæmdastjórnin getur farið þess á leit við orkustjórnunefnd Evrópubandalagsins að hún geri tillögur að endurskoðun samningsins eða sameiginlegu forskriftanna fyrir vöru. Framkvæmdastjórnin getur lagt tillögu fyrir orkustjórnunefnd Evrópubandalagsins um endurskoðun sameiginlegu forskriftanna fyrir vöru eða um endurskoðun samningsins. Orkustjórnunefnd Evrópubandalagsins getur einnig lagt tillögur fyrir framkvæmdastjórnina að eigin frumkvæði.

3. Framkvæmdastjórnin skal hafa samráð við orkustjórnunefnd Evrópubandalagsins í hvert sinn sem henni berst tillaga frá Umhverfisstofnun Bandaríkjanna Norður-Ameríku um endurskoðun samningsins.

4. Í álitinu sínu til framkvæmdastjórnarinnar skulu aðilar orkustjórnunefndar Evrópubandalagsins taka tillit til niðurstaðna hagkvæmnis- og markaðsrannsóknna og þeirrar tækni sem er fyrir hendi til að draga úr orkunotkun.

5. Framkvæmdastjórnin skal taka sérstakt tillit til markmiðsins að setja strangar sameiginlegar tækniforskriftir, sem kveðið er á um í 3. mgr. 1. gr. samningsins, til að draga úr orkunotkun, með tilhlýðilegu tilliti til þeirrar tækni sem er fyrir hendi og tengdum kostnaði. Orkustjórnunefnd Evrópubandalagsins skal einkum taka tillit til niðurstaðna nýjustu rannsókna í visthönnun áður en hún skýrir frá sjónarmiðum sínum varðandi nýjar sameiginlegar forskriftir.

12. gr.

#### Markaðseftirlit og varnir gegn misnotkun

1. Sameiginlega kennimerkið skal einungis notað í tengslum við vörur sem falla undir samninginn og í samræmi við leiðbeiningar fyrir notendur kennimerkisins sem er að finna í viðauka B við samninginn.

2. Rangar eða villandi auglýsingar eða notkun hvers kyns merkis eða kennimerkis sem leiðir til þess að þeim sé ruglað saman við sameiginlega kennimerkið skal bönnuð.

(<sup>1</sup>) Stjtuð. ESB L 381, 28. 12. 2006, bls. 24.

3. Framkvæmdastjórnin skal tryggja rétta notkun sameiginlega kennimerkisins með því að grípa til eða samræma aðgerðir sem lýst er í 2., 3. og 4. mgr. í IX. gr. samningsins. Aðildarríkin skulu grípa til aðgerða eftir því sem við á til að tryggja samræmi við ákvæði þessarar reglugerðar á yfirráðasvæði sínu og tilkynna framkvæmdastjórninni um þær. Aðildarríkjunum er heimilt að vísa sönnunargögnum um að þátttakendur í áætluninni fari ekki að ákvæðum þessarar reglugerðar til framkvæmdastjórnarinnar svo hún geti gripið til fyrstu aðgerða.

*13. gr.*

#### Úttekt

Einu ári áður en samningurinn rennur út skal framkvæmdastjórnin útbúa og senda ráðinu og Evrópuþinginu skýrslu um eftirlit með orkunýtni markaðarins með skrifstofubúnað í Bandalaginu, þar sem lagt er mat á skilvirkni orkustjórnuáætlunarinnar. Í skýrslunni skulu vera megindleg og eigindleg gögn sem og gögn um ávinning sem hlýst af orkustjórnuáætluninni, nánar tiltekið orkusparnað og umhverfislegan ávinning af því að draga úr losun koltvísýrings.

*14. gr.*

#### Endurskoðun

Áður en aðilarnir að samningnum ræða endurnýjun samningsins í samræmi við 2. mgr. XIV. gr. þar að lútandi skal framkvæmdastjórnin meta orkustjórnuáætlunina í ljósi fenginnar reynslu af rekstri hennar.

*15. gr.*

#### Niðurfelling

Reglugerð (EB) nr. 2422/2001 er hér með felld úr gildi.

Líta ber á tilvísanir í niðurfelldu tilskipunina sem tilvísanir í þessa tilskipun og skulu þær lesnar með hliðsjón af samsvörunartöflunni í viðaukanum.

*16. gr.*

#### Lokaákvæði

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Strassborg 15. janúar 2008.

*Fyrir hönd Evrópuþingsins,*

H.-G. Pöttering

*forseti.*

*Fyrir hönd ráðsins,*

J. Lenar  i

*forseti.*

## VIÐAUKI

Reglugerð (EB) nr. 2422/2001	Þessi reglugerð
1. gr.	1. gr.
1. gr., síðasti málslíður	–
2. gr.	2. gr.
3. gr.	3. gr.
1. mgr. 4. gr.	1. mgr. 4. gr.
2. mgr. 4. gr.	2. mgr. 4. gr.
–	3. mgr. 4. gr.
3. mgr. 4. gr.	4. mgr. 4. gr.
4. mgr. 4. gr.	4. mgr. 5. gr.
5. gr.	5. gr.
1. mgr. 6. gr.	–
2. mgr. 6. gr.	–
3. mgr. 6. gr.	6. gr.
7. gr.	7. gr.
1. mgr. 8. gr.	1. mgr. 8. gr.
2. mgr. 8. gr.	–
3. mgr. 8. gr.	2. mgr. 8. gr.
–	3. mgr. 8. gr.
4. mgr. 8. gr.	4. mgr. 8. gr.
5. mgr. 8. gr.	–
9. gr.	9. gr.
Inngangshluti 1. mgr. 10. gr.	Inngangshluti 1. mgr. 10. gr.
Fyrsti undirliður 1. mgr. 10. gr.	a-liður 1. mgr. 10. gr.
Annar undirliður 1. mgr. 10. gr.	b-liður 1. mgr. 10. gr.
Þriðji undirliður 1. mgr. 10. gr.	–
–	c-liður 1. mgr. 10. gr.
Fjórði undirliður 1. mgr. 10. gr.	d-liður 1. mgr. 10. gr.
Fyrsti málslíður 2. mgr. 10. gr.	2. mgr. 10. gr.
1. mgr. 11. gr.	1. mgr. 11. gr.
1. liður 11. gr.	2. mgr. 11. gr.
2. liður 11. gr.	3. mgr. 11. gr.
Fyrsti málslíður 3. liðar 11. gr.	4. mgr. 11. gr.
Annar málslíður 3. liðar 11. gr.	Fyrsti málslíður 5. mgr. 11. gr.
–	Síðasti málslíður 5. mgr. 11. gr.

Reglugerð (EB) nr. 2422/2001	Þessi reglugerð
12. gr.	12. gr.
13. gr.	–
–	13. gr.
1. mgr. 14. gr.	14. gr.
2. mgr. 14. gr.	–
–	15. gr.
15. gr.	16. gr.
Viðauki	–